

2019-imi ingerlariaqqiffiusumik ilinniartfinni naammassinnittarnerit

2018-imi aallartittumik Naatsorsueqqissaartarfiup ilinniarnermik unitsitsiinnartartut ukiumoortumik saqqummersissaarpai. Eqqarsaatigilluarneqareerluni taamaaliortoqarpoq, annermik isiginiarneqarpoq ilinniarnermi unitsitsiinneq unitsitsivinnertut isigineqarsinnaanginnera tassami ilinniarneq unitsissimasaq aallarteqqinneqarsinnaammat. Maanna taakkununga paarlaallugu, ilinniartut ilinniakkamik aallartitsinnermiit ukiut 1-10 qaangiunnerini ilinniarnermi killiffii saqqummersinneqarput. Ilinniartut ilinniakkaminnik naammassinnissimasut ilinniakkap aallartinneraniit ukiut quliut tungaannut qaangiunnerini agguaqatigiissillugu naammassisarnermut procentiat tabelinit naatsorsorneqarsinnaavoq.

Tabelini ilinniarnermi killiffiit naatsorsukkat tassaapput:

- Ilinniakkami pineqartumi aallartinneqarsimasumi killiffik
- Ilinniakkap qaffasissusaani aallartinneqarsimasumi killiffik

Tabelimi kingullermi ilinniartut ilinniakkap qaffasissusaani ataatsimi ilinniakkap sammivianik allangortitsisut sillimaffigineqarput.

Saqqummersitami ingerlariaqqiffiusumik ilinniakkat kisimik pineqarput. Inuusuttunut ilinniartfinni naammassinnittarnerit pillugit saqqummersitaq www.stat.gl –imi takuneqarsinnaavoq.

Ilinniakkamik aallartissimasamik naammassinnittarneq

Ingerlariaqqiffiusumik ilinniartfiit ilinniakkanik naatsunik nalinginnaasumik ukiunik marlunnik sivissusilerneqarsimasunik, ilisimatusarluni bachelorinnngorniarnernik ukiunik pingasunik sivissusilerneqarsimasunik, professionsbachelorinnngorniarnernik ukiunik 3,5-4-inik sivissusilerneqarsimasunik kandidatinnngorniarnernillu ukiunik marlunnik sivissusilerneqarsimasunik imaqarput.

2014-imi 107-it sivikitsumik ilinniaqqinniarlutik aallartissimasut akornanni 54-it ukiut sisamat ingerlaneranni ilinniarnertik naammassisimavaat. Ilinniarlutik aallartissimasut 55 pct.-it ukiut marluk ilinniarnerep sivissusissaa eqqorlugu naammassisimapput.


2014-imiit ilisimatusarluni bachelorinnngorniat naammassinnittarnermut procentiat ingerlariaqqiffiusumik ilinniakkat akornanni appasinnerpaavoq. Aallartitsinnermit ukiut pingasut qaangiunnerini 13 procentiisa ilinniagaq

aallartissimasartik naammassisimavaat. Ukiullu tallimat qaangiunnerini 25 procentiisa ilinniagartik naammassisimallugu.

2013-imi professionsbachelorinngorniartut ilinniakkamik aallartissimasut 35 procentiisa ukiut sisamat qaangiunnerini, ilinniannerup sivissusissaa eqqorlugu, ilinniagaq aallartissimasartik naammassisimavaat. Ukiullu marluk qaangiuteqqinnerini 2 procentinik amerleriarsimapput.

2015-imi kandidatinnngorniartut ilinniakkamik aallartissimasut 30 pct.-it ilinniakkap sivissusilerneqarnera malillugu ilinniakkaminnik naammassinissimapput, ukiulli sisamat ingerlanerini 67 procentii naammassinissimallutik.

Titartagaq 1. Ingerlariaqqiffiusumik ilinniarfinni naammassinittarnermut procenti, 2013-imi, 2014-imi 2015-imilu aallartittut malillugit



Nalunaarut: Naammassinittarnermut procenti ukiup pineqartup naanerani naatsorsorneqarpoq, ukiorlu siullermeerluni ilinniakkamik aallartissivik ungaluuserlugu ilanngunneqarpoq; Ingerlariaqqiffiusumik ilinniakkat naatsut (2015), bachelorinngorniarterit (2014), professionsbachelorinngorniarterit (2013), kandidatinnngorniarterit (2015). Ilinniakkat sivissusilerneqarneri ukioq kaajallallugu naatsorsorneqarput.


Najoqqutaq: Naatsorsueqqissaartarfik- kisitsisaataasivimmi kisitsisit takukkit (<http://bank.stat.gl/UDNISC11L>).

Arnat angutinit amerlanerusut ilinniakkamik naammassinissimapput

Arnat angutinit amerlanerusut ingerlariaqqiffiusumik ilinniarfimmik aallartissisarput. Taamatuttaaq arnat amerlanerusut naammassisarput. 2013-imi ingerlaqqiffiusumik naatsumik ilinniartut ilinniarfinni aallartissimasut akornanni allaaneruvoq, arnat angutillu aallartissimasut akornanni ukiut arfinillit ingerlaneranni arnat akornanni naammassisimasut 44 pct.-iusimapput angutit akornanni naammassisimasut 65 pct.-iusut.

Akademiskiusumik bachelorinngorniartut naammassinittarnermut kisitsisaanni arnat amerlanerusimapput, 2014-imi aallartissimasut eqqarsaatigissagaanni. Taakkunani arnat 21 pct.-ii angutillu 28 pct.-ii naammassisimapput. Ukiup siuliani arnat angutillu naammassisartut amerlanerupput, tassa angutit naammassisimasut 20 pct.-iusimagamik arnat 35 pct.-iusut.

Titartagaq 2. Ingerlariaqqiffiusumik ilinniarfinni ukiunik marlunnik sivirusunerusumillu sivirususeqartuni naammassinnittarnermut procenti, 2013-imi, 2014-imi 2015-imilu aallartittut suaassusaat malillugu



Nalunaarut: Naammassinnittarnermut procenti ukiup pineqartup naanerani naatsorsorneqarpoq, ukiorlu siullermeerluni ilinniakkamik aallartitsivik ungaluuserlugu ilanngunneqarpoq; Ingerlariaqqiffiusumik ilinniakkat naatsut (2015), bachelorinnngorniarnarmit (2014), professionsbachelorinnngorniarnarmit (2013), kandidatinnngorniarnarmit (2015). Ilinniakkat sivirususilerneqarneri ukioq kaajallallugu naatsorsorneqarput.


Najoqqutaq: Naatsorsueqqissaartarfik- kisitsisaataasivimmi kisitsisit takukkit (<http://bank.stat.gl/UDNISC11>).

Kalaallit Nunaanni amerlanerusut naammassisartut

Ilisimatusarluni bacheloritut aamma kandidatitut ilinniartut akornanni nunat ilinniarfigisimasat sanilliunnerini assigiinngissut assigiinngissutsit ersarinnerupput.

Kalaallit Nunaanni ingerlariaqqiffiusumik ilinniakkani naatsuni professionsbachelorinnngorniarnarnilu ilinniartut 54 procentit 48 procentillu naammassisimasut Kalaallit Nunaata avataani ilinniartut 56 procentii 47 procentiilu naammassisimapput. Akerlianik Kalaallit Nunaata avataani kandidatinnngorniartut naammassisartut amerlanerupput, Kalaallit Nunaata avataani ilinniartut 74 procentii naammassinissimasut Kalaallit Nunaanni ilinniartut 55 procentii naammassisimasut.

Titartagaq 3. Ingerlariaqqiffiusumik ilinniarfinni ukiunik marlunnik sivirusunerusumillu sivirususeqartuni naammassinnittarnermut procenti, 2013-imi, 2014-imi 2015-imilu aallartittut nuna ilinniarfiat malillugu




Nalunaarut: Naammassinnittarnermut procenti ukiup pineqartup naanerani naatsorsorneqarpoq, ukiorlu siullermeerluni ilinniakkamik aallartitsivik ungaluuserlugu ilanngunneqarpoq; Ingerlariaqqiffiusumik ilinniakkat naatsut (2015), bachelorinnngorniarnit (2014), professionsbachelorinnngorniarnit (2013), kandidatinnngorniarnit (2015). Ilinniakkat sivirususilerneqarneri ukioq kaajallallugu naatsorsorneqarput.

Najoqqutaq: Naatsorsueqqissaartarfik- kisitsisaataasivimmi kisitsisit takukkit (<http://bank.stat.gl/UDNISC11L>).

Ilinniakkap qaffasissusaanik aallartissimasamik naammassinnittarneq

Ilinniartut ilaat ilinniagaq aallartissimasartik unitsillugu allamik ilinniakkamik naammassinnittarput. 2012-imi siullermeerlutik ingerlariaqqiffiusumik ilinniakkamik aallartissimasut 50 procentii ukiut arfineq-marluk ingerlanerini ingerlariaqqiffiusumik ilinniakkamik naammassinnissimapput. Taakkunanga 22 procentit ilinniakkap qaffasissusaani aallartissimasaraluaminnit allaanerusumi ilinniakkamik naammassinnissimapput. Pingaartumik ilisimatusarluni bachelorinnngorniarnerninngaanneersut amerlasuut unitsitsisarput sammivimmillu allamik aallartitsillutik soorlu professionsbachelorinnngorniarnernik imaluunniit ingerlariaqqiffiusumik ilinniarnernik naatsunik. 2012-mi bachelorinnngorniarnit aallartissimasut 4 procentiisa ukiut arfineq-marluk ingerlanerini ilinniagartik naammassimavaat, 34 procentilli ingerlariaqqiffiusumik ilinniarfimmik allamik qaffasissusilimmik naammassinnissimallutik.

Titartagaq 4. Ingerlariaqqiffiusumik ilinniarfimmi aallartinnermiit ukiut arfineq-marluk qaangiunnerini ilinniakkap killiffia, 2012-imi aallartittut malillugit



*Ingerlariaqqiffiusumik ilinniakkani ilinniakkap qaffasissusaanik allamik naammassinnissimasut. Nalunaarut: Ilinniakkap killiffia ukiup naanerani ilinniartunut 2012-imi inuusuttunut ilinniarfimmi siullermeerlutik aallartissimasunut naatsorsomeqarpoq. Najoqqutaq: Naatsorsueqqissaartarfik – kisitsisaataasivimmi kisitsisit takukkit (<http://bank.stat.gl/UDNISC110>).

Eqikkaaneq

Tabel 1. Ingerlariaqqiffiusumik ilinniarnerit naatsut, 2015-imi aallartittut

2015-2019	Katillugit amerlassusaat	Procentinngorlugit			
		Ukiut marluk ingerlanerini naammassisut	Ukiut sisamat ingerlanerini naammassisut	Suli ingerlatsisut	Unitsitsisut
Katillugit	107	50,5	55,1	0,9	23,9
Angutit	57	61,4	64,9	1,8	33,3
Arnat	50	38,0	44,0	-	56,0
Kalaallit Nunaanni	266	65,4	67,3	0,4	32,3
Kalaallit Nunaata avataani	17	29,4	29,4	-	64,7

Nalunaarut: Ilinniakkap killiffia ukiup naanerani ukiumi siullermeerluni ilinniakkamik aallartissiffiusumi naatsorsomeqarpoq. Najoqqutaq: Naatsorsueqqissaartarfik – kisitsisaataasivimmi kisitsisit takukkit (<http://bank.stat.gl/UDNISC11L>, <http://bank.stat.gl/UDNISC11M>).

Tabel 2. Bacheloringorniarnert, 2014-imi aallartittut

2014-2019	Procentinggorlugit				
	Katillugit amerlassusaat	Ukiut pingasut ingerlanerini naammassisut	Ukiut tallimat ingerlanerini naammassisut	Suli ingerlatsisut	Unitsitsisut
Katillugit	132	12,9	25,0	7,6	67,4
Angutit	56	12,5	21,4	7,1	71,4
Arnat	76	13,1	27,6	7,9	64,5
Kalaallit Nunaanni	64	14,1	28,1	15,6	56,3
Kalaallit Nunaata avataani	68	11,8	22,1	-	77,9

Nalunaarut: Ilinniakkap killiffia ukiup naanerani ukiumi siullermeerluni ilinniakkamik aallartitsiffiusumi naatsorsorneqarpoq.

Najoqqutaq: Naatsorsueqqissaartarfik – kisitsisaataasivimmi kisitsisit takukkit (<http://bank.stat.gl/UDNISC11L>, <http://bank.stat.gl/UDNISC11M>).

Tabel 3. Professionsbacheloringorniarnert, 2013-imi aallartittut

2013-2019	Procentinggorlugit				
	Katillugit amerlassusaat	Ukiut sisamat ingerlanerini naammassisut	Ukiut arfinillit ingerlanerini naammassisut	Suli ingerlatsisut	Unitsitsisut
Katillugit	215	35,3	47,9	4,2	47,9
Angutit	64	34,4	43,8	4,7	51,6
Arnat	151	35,8	49,7	4,0	46,4
Kalaallit Nunaanni	143	32,9	48,3	6,3	45,5
Kalaallit Nunaata avataani	72	40,3	47,2	-	52,8

Nalunaarut: Ilinniakkap killiffia ukiup naanerani ukiumi siullermeerluni ilinniakkamik aallartitsiffiusumi naatsorsorneqarpoq.

Najoqqutaq: Naatsorsueqqissaartarfik – kisitsisaataasivimmi kisitsisit takukkit (<http://bank.stat.gl/UDNISC11L>, <http://bank.stat.gl/UDNISC11M>).

Tabel 4. Kandidatinngorniarnert, 2015-imi aallartittut

2015-2019	Procentinngorlugit				
	Katillugit amerlassusaat	Ukiut marluk ingerlanerini naammassisut	Ukiut sisamat ingerlanerini naammassisut	Suli ingerlatsisut	Unitsitsisut
Katillugit	54	29,6	66,7	13,0	20,4
Angutit	20	35,0	55,0	20,0	25,0
Arnat	34	26,5	73,5	8,8	17,6
Kalaallit Nunaanni	15	13,3	46,7	46,7	6,7
Kalaallit Nunaata avataani	39	35,9	74,4	-	25,6

Nalunaarut: Ilinniakkap killiffia ukiup naanerani ukiumi siullermeerluni ilinniakkamik aallartitsiffiusumi naatsorsorneqarpoq.

Najoqqutaq: Naatsorsueqqissaartarfik – kisitsisaataasivimmi kisitsisit takukkit (<http://bank.stat.gl/UDNISC11L>, <http://bank.stat.gl/UDNISC11M>).

Periaaseq

Siunertaq

Kisitsisitigut paasissutissani matumani siunertaavoq ilinniartut qanoq amerlatigisut ilinniakkamik aallartissimasaminnik naammassinnissimanerisa unitsitsisimanerisalu naatsorsorneqarnissaat. Kisitsisitigut paasissutissat siornatigut ilinniakkamik unitsitsisartut paasissutissaannut taarsiisutaapput.

Taamatuttaaq ilinniartut qanoq amerlatigisut ilinniakkap aallartinneraniit ilinniakkap qaffasissusaanik naammassinnissimasut naatsorsorneqarput. Kisitsisinilu paasissutissani matumani ilinniakkap qaffasissusaani ataatsimi ilinniakkap sammivianik allannngortitsisarneq sillimaffigineqarpoq.

Nalunaarsuutit tunngaviusut

Piffissami 2003-miit ullumikkumut ilinniakkanik aallartitsisunut, ilinniakkanik ingerlatsisunut ilinniakkanillu naammassinnissimasunut nalunaarsuisarfiit tunngavigalugit kisitsisitigut paasissutissat suliarineqarput.

Ilinniartut siullermeerlutik ilinniakkamik aallartitsisut aammalu siullermeerlutik ilinniakkap pineqartup qaffasissusaanik aallartitsisut aallaavigineqarput.

Ilinniakkat qaffasissusaat International Standard Classification of Education 2011-meersoq malillugu immikkoortiterneqarput. Naatsorsueqqissaartarfiup ilinniartitaanerup iluani taaguutit pillugit saqqummersinnikuusaani ilinniakkami pineqartumi imaluunniit ISCED-i malillugu immikkoortiterinermi ilinniakkat suut pineqarnersut takuneqarsinnaapput. Taassuma saniatigut Naatsorsueqqissaartarfik Kalaallit Nunaanni ilinniakkat, ilinniakkap qaffasissusaa malillugu, immikkoortiternerat takussutissiaraa. Taaguutit takussutissiarlu www.stat.gl –imi Ilinniartitaanermut tunngasut

ataanni nassaarinqarsinnaavoq. Saqqummersitami kingullerpaami Periaatsimut immikkoortoq takuuk.

Kisitsisini paasissutissani inuussutissarsiornermik ilinniakkat naatsunut nalinginnaasunullu immikkoortiterneqarput. Inuussutissarsiornermik ilinniarnert sivikinnerit ukiut marluk inorlugit sivisussuseqartut tassaasinnaapput eqqumiitsuliornermik ilinniarneq, tapersersuisutut ilinniarneq portøritullu ilinniarneq. Imarsiornermi ilinniarnernup iluani modulikkaartumik ilinniakkat aamma ilanngunneqarput. Ingerlariaqqiffiusumik ilinniakkani naatsuni niuerneramik ilinniarfimmi qaffasinnerusumik ilisimatusarnerit, procesteknikeritullu ilinniarneq ilanngunneqarput. Bachelorinnngorniarnert professionsbachelorinnngorniarnernut nalinginnaasumillu bachelorinnngorniarnernut immikkoortiterneqarput. Professionsbachelorinnngorniarnert tassaapput meeqqat atuarfianni ilinniartitsisunngorniarneq, peqqissaasunngorniarneq tusagassiortunngorniarnernu, nalinginnaasumillu bachelorinnngorniarnert tassaallutik inuiaqatigiilerinermi ilisimatusarneq, erhvervsøkonomi iluani ilisimatusarneq aammalu teologi-mik ilisimatusarneq.

Periaaseq

Ilinniakkamik aallartitsisut ukiumi aallartiffiannit ukiut 1-10 qaangiunnerini ilinniartunut suli ingerlatsisunut nalunaarsuisarfianni ataatsimut ingerlanneqarput, tulliullugulu ilinniakkanik naammassinnissimasut nalunaarsuisarfianni ingerlateqqinneqarlutik. Ukiut tamaasa ukiumi pineqartumi ilinniartut suli ilinniakkamik ingerlatsisutut imaluunniit ukiut kingulliit ilaanni ilinniakkamik naammassinnissimasutut killiffilerneqartarput. Ilinniartut suli ilinniakkamik ingerlatsisutut imaluunniit naammassinnissimasutut nalunaarsorneqarsimannigitsut ”unitsitsisimasutut” killiffilerneqarput.

Ilinniartut ukiumi pineqartumi ilinniakkamik unitsitsisut ukiullu tulliani ilinniagaq aallarteqqillugu, ukiumi siullermi unitsitsisimasutut ukiullu tulliani ingerlatsisutut naatsorsorneqarput.

Ilinniagaq ataaseq pineqaraluartoq ilinniakkat ilai assigiinngitsunik ilisarnaasersugaapput. Ilinniagaq ataaseq assigiinngitsunik ilisarnaasersugaq sapinngisamik ilisarnaammut ataatsimut ingerlatinniarneqarpoq.

Naatsorsuineq

Ilinniakkat killiffiinut kisitsisitigut paasissutissat ilinniakkat aallartinneraniit ukiut tulliuttut 1-10 qaangiunnerini suli ilinniakkamik ingerlatsisutut, naammassinnissimasutut unitsitsisimasutulluunniit naatsorsorneqarput.

Tabelini ilinniarnermi killiffiit naatsorsukkat tassaapput:

- Ilinniakkami aallartinneqarsimasumi killiffik
- Ilinniakkap qaffasissusaani aallartinneqarsimasumi killiffik

Tabelimi kingullermi ilinniartut ilinniakkap qaffasissusaani ataatsimi ilinniakkap sammivianik allannngortitsisut sillimaffigineqarput.

Kisitsisitigut paasissutissani pineqartuni ilinniakkap qaffasissusaa, nuna ilinniarfik suaassuserlu malillugit naatsorsuisoqarpoq.

Killiliinerit erseqqissagassallu

”Unitsitsinermut” killiffimmi ilinniakkamik unitsitsigallartut ilaapput.

Kisitsisini paasissutissani matumani ilinniakkat killiffii ilinniakkami pineqartumi ilinniakkallu qaffasissusaani pineqartumi taamaallaat naatsorsorneqarput. Ilinniakkamik unitsitsisut unitsitserernerup kingorna ilinniakkap qaffasissusaani allami ilinniakkamik allamik aallartitsillutillu naammassinnissimasinnaapput.

Ilisamaatinut nassuiaatit
... Paasissutissat pigineqanngillat
.. Paasissutissat tatiginanngitsut ilisarinnilersitsisinnaasulluunniit
. Kisitsisitaqarsinnaanngitsut
0 Affaanit mikinerusut
- Nul
* Kisitsisaagallartut imaluunniit missingersuut

Saaffissaq
Emil Malta
E-mail: emim@stat.gl

Ilinniartitaaneq

Naatsorsueqqissaartarfik
Postboks 1025 · 3900 Nuuk
Oqar.: +299 34 57 70 · Fax: +299 34 57 90
www.stat.gl · e-mail: stat@stat.gl

